

licus, & sic deinceps alternando singulis annis; Præfecti rei tormentariæ itidem tres, parique annua alternatione, atque ita in omnibus officiis publicis fuit ordinatum.

Colloquium XXXVII^{mum}.

De executione Pacis Westphaliæ.

IGNATIUS et LUCAS.

I. **C**uinam tandem executio Pacis Westphaliæ huc Augustam Vindelicorum fuit commissa? *L.* Episcopo Constantiensi, Francisco Johanni, & Duci Würtembergico, Eberhardo. *I.* Erantne hi imperii principes in re ipsi præsentés? *L.* Non, sed quilibet suos mittebat delegatos. *I.* Qui fuerunt delegati? *L.* Ex parte Episcopi Constantiensis, Wolfgangus Christophorus à Bernhausen, & Georgius Köber-